



ATASSUT

UPA 2016/37

Steen Lyngé

29. 04. 2016

**Innarluutillit pisinnaatitaaffii pillugit Nunarsuarmioqatigiit isumaqatigiissutaasa nunatsinnilu innarluutillit pisinnaatitaaffiisa tamakkiisumik illersorneqarsinnaasumillu atuutsinneqarnissaat anguniarlugu Naalakkersuisut kingusinnerpaamik 2017-imi Innarluutillit illersuisuannik pilersitseqqullugit Inatsisartut aalajangiiffigisassaattut siunnersuut.**

**(Inatsisartunut ilaasortaq Vivian Motzfeldt, Siumut)**

Atassut-miit qutsavigissvarput siunnersuuteqartoq Vivian Motzfeldt , Siumut tassuunakkut inuit innarluuteqartut pisinnaatitaaffigisaannut sulii ersarissaassamat aammalu innarluuteqartut illersuisuannik pilersitsineq susassaqarfigisaanut sulii qulakkeerinninnerussamat.

Innuttaasut inuiaqatigiit susassaqarfigisaattut pineqartuni qitiutinneqassapput, tassuunakkut inuiaqatigiit aqqissuussaananerit imaassamat siunnersuisoqassalluni, aqqutissiusissallunilu kiisalu ikiuissaluni innuttaaqatiitta pisariaqartitaat pisinnaatitaaffiilu aallaavigalugit.

Sullissineq innuttaaqatitsinnut immikkut pisariaqartitsisumik inissisimatillugu pitsaanerpaaffissaaniittumik sullinneqassaaq taamasilluni ikiorneqartussaaffimmini pisinnaatitaaffiisigut malinnaaffigineqarsinnaasumik.

Inuit innarluuteqartut pisinnaatitaaffeqarput, tamannalu FN aqutigalugu qulakkiigaavoq, taakkulu aamma pisinnaatitaaffiit Kalaallit Nunaata atortussanngortinnikuuai.

Siunnersuuteqartup siunertaarisaa Innarluutillit illersuisuannik pilersitsinissaq qulakkeerinnissaq illersuisallunilu Kalaallit Nunaat Nunarsuarmioqatigiit immikkut innarluuteqartut pillugit akuersaagaannut atuutsitsusuulluni ingerlanissaanut.

Nuannaarutigaarput Naalakkersuisut siunnersuut tapersersormassuk, tassuunakkullu suliniutit pineqartumut kissaatigisaattut tulleriissaarinermi pingaartikkaat, taamaattorli aappassaaneerpeqarnissaa tullissaani Inatsisartut ataatsimiinnissaannut kinguartikkusuppaat, tassalu ukiaanerani 2016 katersuuteqqinnissamat.

Tamatumani Naalakkersuisut tunngavigaat paasissutissanik amerlanerusunik pissarsinissaq, taamatullu immikkoortoq pineqartoq aamma aningaasanut inatsissamat 2017 isumaqatigiinniutiginnissaanut ilaatinneqarniassamat.

Atassut isumaqataavoq siunnersuuteqartut kissaataanut, taamaattumillu Atassut-miit isumaqarpugut suliaq tulleriissaarinermi pingaartilluarneqassasoq sukkaannerusinnaanngitsorlu.

Taamaattorli pingaartuuvoq paasisimasatigut tunngaveqarluarnissarput, minnerunngitsumillu isumaqatigiiffiususaaq amerlanerussuteqartuni anguneqartariaqarmat, pineqartup immikkoortup aappassaaneerlugu suliarineqannginnerani.

Taamatut marlussunnik tunuliaqutsiineq tunngavigalugu Naalakkersuisut kissaataat taperserparput aappassaannerneqarnissaata ukiamut 2016 kinguartinnissaanut.

Atassut-miit siunnersuut taperserparput tassanngaannillu siunnersuuteqartoq Vivian Motzfeldt, Siumut peqatigalugu sulissutigissallugu pineqartup sammivilerluarnissaanut aningaasanut inatsisissap isumaqatiginiutiginnissaanut aasamut ukiassamullu.

Taamatut oqaaseqarluta siunnersuuteqartoq qutsavigeqqissavarput taamatut siunnersuuteqarneranut. Qujanaq oqaaseqarnitsinnut !